

## ხელშეკრულება სახელმწიფო შესყიდვის შესახებ №6.2.14.15/10/039

ქ. თბილისი

31 მარტი 2015 წ.

ერთი მხრივ, ქ. თბილისის მინუციპალიტეტის მთაწმინდის რაიონის გამგეობა, წარმოდგენილი გამგებლის - გელა არჩვაძის სახით (შემდგომში „შემსყიდველი“) და, მეორე მხრივ, შპს „ალიონი“, ს/კ 406077169, დირექტორის - თეონა ჯავახიშვილის სახით (შემდგომში „მიმწოდებელი“), საქართველოში მოქმედი კანონმდებლობის შესაბამისად და მისი გათვალისწინებით („სახელმწიფო შესყიდვების შესახებ“ საქართველოს კანონის 10<sup>1</sup> მუხლის მე-3 პუნქტის „ბ“ ქვეპუნქტი და ქ. თბილისის მუნიციპალიტეტის საკრებულოს თავმჯდომარის 2015 წლის 27 მარტის №05/150861480-1 წერილი), შეთანხმდნენ შემდეგზე:

### 1. გამოყენებული ტერმინების განმარტებები

*ხელშეკრულებაში გამოყენებულ ტერმინებს აქვთ შემდეგი მნიშვნელობა:*

1.1 „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები;

1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.4 „მიმწოდებელი“ ნიშნავს პირს, რომელიც ახორციელებს მომსახურებას სახელმწიფო შესყიდვის შესახებ მოცემული ხელშეკრულების ფარგლებში;

1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

### 2. შესყიდვის ობიექტი და კლასიფიკატორის კოდი

2.1 ხელშეკრულების შესყიდვის ობიექტია: 2015 წლის აპრილის თვეში ქ. თბილისში, მთაწმინდის რაიონში მცხოვრები მძიმე სოციალურ მდგომარეობაში მყოფი 400 მოქალაქისათვის მთაწმინდის უბნის ტერიტორიაზე ყოველდღიური ერთჯერადი უფასო კვების ორგანიზება.

2.2 კლასიფიკატორის კოდი: 55500000

2.3 მენიუ და დამზადების ტექნოლოგია განსაზღვრულია ხელშეკრულების №1 დანართით.

### 3. მომსახურების გაწევის ვადა და პირობები

3.1 მომსახურების გაწევის ვადაა 2015 წლის 01 აპრილიდან - 2015 წლის 30 აპრილის ჩათვლით - ყოველდღიურად. მიწოდების ადგილი: ქ. თბილისი, რ. თაბუკაშვილის ქ. №46.

3.2 ხელშეკრულების საერთო ღირებულება შეადგენს - 12600,0 (თორმეტათასექვსასი) ლარს (ხელშეკრულების დანართი №2).

3.3 მიმწოდებლის მიერ გაწეული მომსახურება უნდა შეესაბამებოდეს ხელშეკრულებით დადგენილ მოთხოვნებს.

### 4. მოქმედ კანონმდებლობასთან შესაბამისობა

4.1. მომსახურების გაწევისას შესაბამისი სტანდარტების, ხარისხის, ნორმების დაცვაზე პასუხისმგებლობა ეკისრება მიმწოდებელს.

4.2. მიმწოდებელი პასუხს აგებს მოქმედი კანონმდებლობით დადგენილი ნორმების დაცვაზე, მათ შორის ტექნიკური უსაფრთხოებისა და გარემოს დაცვის უზრუნველსაყოფად შესაბამისი ზომების მიღებაზე, მომსახურების გაწევისას გამოყენებული ან გამოსაყენებელი მასალის, აღჭურვილობის, მექანიზმების უსაფრთხოებაზე, მათი დაკარგვის ან გაუმართაობის შედეგად გამოწვეული ზიანის ანაზღაურება ეკისრება მიმწოდებელს.



## 5. მომსახურების გაწევა

5.1 მიმწოდებელი საკვებს ბენეფიციარებზე უნდა გასცემდეს მინიმუმ 6 საათის განმავლობაში 14:00 საათამდე ძირითადი სიით მოსარგებლე ბენეფიციარებზე, ხოლო 14:00-დან 16:00-მდე დამატებითი სიით მოსარგებლე ბენეფიციარებზე. მომსახურების ვადაში არ შედის საკვების მომზადებისთვის საჭირო დრო.

5.2 მიმწოდებელმა საკვები ულუფები უნდა გასცეს გამგეობის მიერ ოფიციალურად გადაცემული ბენეფიციართა ძირითადი და დამატებითი სიების მიხედვით და გაცემისას უზრუნველყოს ბენეფიციართა აღრიცხვა დანომრილ, აკინძულ, ზონარგაყრილ და გამგეობის ბეჭდითა და გამგებლის ხელმოწერით დამოწმებულ ჟურნალში. ჟურნალში ულუფის მიღების შემდეგ ხელმოწერა შეიძლება განახორციელონ თავად ბენეფიციარებმა ან, შეუძლებლობის შემთხვევაში, ბენეფიციარის გრაფაში სპეციალური აღნიშვნა უნდა გააკეთოს შემსყიდველის წარმომადგენელმა, დასწრების შემთხვევაში, ან მიმწოდებლის წარმომადგენელმა.

5.3 კვების პროდუქტების მიწოდების, შენახვისას, საკვების დამზადებისას და გაცემისას მიმწოდებელმა უნდა დაიცვას სანიტარული და ჰიგიენური ნორმები, მალფუჭებადი პროდუქტების მიწოდება უნდა მოხდეს ყოველდღიურად, სასადილომ უნდა გამოიყენოს მხოლოდ ახალი და ხარისხიანი პროდუქცია, ბენეფიციარებზე უნდა გაიცეს მიწოდების დღეს დამზადებული სადილი.

5.4 მენიუსა და მომსახურების გრაფიკში ცვლილების შეტანა დაუშვებელია, გარდა გამონაკლისისა, რაც წინასწარ წერილობით უნდა შეთანხმდეს შემსყიდველთან და გათვალისწინებულ უნდა იქნეს ანგარიშსწორებისას.

5.5 სასადილოში ბენეფიციართათვის თვალსაჩინო ადგილას მიმწოდებლის მიერ განთავსებული უნდა იყოს ყოველდღიური მენიუ და სასადილოს სამუშაო საათები. საკვების გაცემა უნდა მოხდეს მენიუთი განსაზღვრული ულუფის წონის/მოცულობის შესაბამისად სასწორისა და ზუსტი მოცულობის განმსაზღვრელი ჭურჭლის მეშვეობით.

5.6 სასადილო უნდა აკმაყოფილებდეს სანიტარულ-ჰიგიენურ პირობებს, აღჭურვილი უნდა იყოს სველი წერტილით, რომლითაც ბენეფიციარებს შეეძლება სარგებლობა.

5.7 შემსყიდველის მიერ მიმწოდებლისათვის ნებისმიერი ქონების, მათ შორის ტექნიკური და კომპიუტერული აღჭურვილობის, გადაცემა არ იწვევს მიმწოდებლის საკუთრების უფლების წარმოშობას აღნიშნულ ქონებაზე. მიმწოდებელი პასუხს აგებს ქონების დაცვაზე და მისი გამოყენებისას უსაფრთხოების ნორმების დაცვაზე, ვალდებულია ხელშეკრულების მოქმედების შეწყვეტისთანავე დაუბრუნოს შემსყიდველს მის მიერ გადაცემული ქონება იმავე მდგომარეობაში, რომელშიც მისგან მიიღო, ნორმალური ცვეთის გათვალისწინებით.

## 6. ხელშეკრულების შესრულების კონტროლი

6.1 შემსყიდველს ან მის წარმომადგენლებს უფლება აქვთ ნებისმიერ დროს განახორციელონ მიმწოდებლის მიერ ნაკისრი ვალდებულებების შესრულების კონტროლი და განახორციელონ მომსახურების ხარისხის პერიოდული ინსპექტირება, რომელიც შეეხება სასადილოს ფუნქციონირებასთან და მომსახურების მიწოდებასთან დაკავშირებულ ყველა საკითხს. ინსპექტირების თაობაზე დგება შემოწმების ოქმი, სადაც აისახება ინსპექტირების შედეგები, რომელსაც ხელს აწერენ ინსპექტირების ჯგუფის წევრები და მიმწოდებლის უფლებამოსილი წარმომადგენელი.

6.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

6.3 შემსყიდველი შემოწმების შედეგად გამოვლენილი ნებისმიერი წუნდების შესახებ გონივრულ ვადაში წერილობით აცნობებს მიმწოდებელს შესაბამისი მიზეზის მითითებით. მიმწოდებელი ვალდებულია საკუთარი ხარჯებით აღმოფხვრას კონტროლის (ინსპექტირების) შედეგად გამოვლენილი ყველა დეფექტი ან ნაკლი.

6.4 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქ. თბილისის მთაწმინდის რაიონის გამგებლის მოადგილე - კახაბერ ქოროლიძე, სოციალურ საკითხთა განყოფილების უფროსი - ალექსანდრე ყუმბულაშვილი და ქ. თბილისის მთაწმინდის რაიონის გამგეობის შესაბამისად უფლებამოსილი თანამშრომლები.

## 7. შესყიდვის ობიექტის მიღება-ჩაბარების წესი



7.1 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით (შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირებს წარმოადგენენ წინამდებარე ხელშეკრულების მე-6 მუხლის 6.4 პუნქტით განსაზღვრული პირები).

7.2 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

## 8. ანგარიშსწორება

8.1 შემსყიდველის მიერ წინასწარი ანგარიშსწორება არ განხორციელდება.

8.2 ანგარიშსწორება მოხდება ლარებში.

8.3 გადახდის ფორმა – უნაღდო.

8.4 მიმწოდებელთან ანგარიშსწორება განხორციელდება მიწოდების დასრულების შემდეგ მიღება-ჩაბარების აქტის გაფორმებიდან და მიმწოდებლის მიერ შესაბამისი მოთხოვნის წარმოდგენიდან არაუგვიანეს 30 კალენდარულ დღეში. საჭიროების შემთხვევაში აღნიშნული ვადა შეიძლება გაიზარდოს არაუმეტეს 30 კალენდარული დღით.

8.5 თითოეულ ეტაპზე შესრულების მიღებასთან დაკავშირებით მიღება-ჩაბარების აქტის გასაფორმებლად მიმწოდებელმა დოკუმენტურად დადასტურებული ფორმით უნდა წარმოადგინოს შემდეგი ინფორმაცია:

ა) სასადილოში დამზადებული/შემოტანილი მენიუთი განსაზღვრული ულუფების დღიური რაოდენობა;

ბ) საანგარიშსწორებო პერიოდში სასადილოს მომსახურების მიწოდების დღეების რაოდენობა;

გ) ხელშეკრულებით განსაზღვრული ერთი ბენეფიციარის დღიური კვების ღირებულება;

დ) ანგარიშსწორებისთვის მოთხოვნილი თანხა (ა, ბ და გ ქვეპუნქტების ნამრავლი);

ე) შემსყიდველის ინსპექტირების ჯგუფის თანდასწრებით ბენეფიციართა უმრავლესობის ხელმოწერილი წერილი, რომლითაც დასტურდება, რომ შესაბამის პერიოდში მიწოდებული ულუფების შემადგენელი კერძები, რაოდენობა და მოცულობა შეესაბამება მენიუთი გათვალისწინებულს.

8.6 ინსპექტირების აქტებით რაიმე დარღვევის გამოვლენის შემთხვევაში, შემსყიდველი ორგანიზაცია უფლებამოსილია მიმწოდებლისგან მოითხოვოს შესყიდვის ობიექტთან დაკავშირებული სხვა დოკუმენტაცია.

## 9. ფასები

9.1 შესყიდვის ობიექტის ფასი განისაზღვრება ლარებში.

9.2 შესყიდვის ობიექტის საერთო ღირებულებაა - **12600,0 (თორმეტიათასექვსასი)** ლარი, რაც ერთ ბენეფიციარზე დღეში შეადგენს - **1,05** ლარს.

9.3 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

9.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

## 10. ხელშეკრულებაში ცვლილებების შეტანა

10.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.



10.4 ხელშეკრულებაში ცვლილების განხორციელებას არ საჭიროებს მიმწოდებლის მიერ ხელშეკრულების დანართში მოცემული ხარჯთაღრიცხვით განსაზღვრულზე ნაკლები ანაზღაურების მოთხოვნა, ასეთ შემთხვევაში, დაუშვებელია ხარჯთაღრიცხვის მთლიანი ღირებულების შემცირება მისი შემადგენელი სხვა პუნქტების ფასების გაზრდის ან/და ახალი პუნქტ(ებ)ის ჩამატების ხარჯზე.

10.5 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10.6 მიმწოდებლის მიერ ხელშეკრულებაში ცვლილების შეტანის ინიცირების შემთხვევაში, იგი ვალდებულია შემსყიდველს წარუდგინოს შესაბამისი დეტალური დასაბუთება წარილობით, მათ შორის, საქართველოს სამოქალაქო კოდექსის 398-ე მუხლით გათვალისწინებული გარემოებების არსებობის შესახებ.

10.7 მხარეებმა ხელშეკრულებაში მითითებული ნებისმიერი რეკვიზიტის ცვლილების შესახებ წერილობით უნდა აცნობონ ერთმანეთს. აღნიშნული არ საჭიროებს ხელშეკრულებაში შესაბამისი ცვლილების განხორციელებას.

## 11. უფლებების გადაცემა

11.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი უფლება-მოვალეობები მესამე პირს.

11.2 მიმწოდებელი ვალდებულია შემსყიდველს წარუდგინოს წერილობითი განცხადება მესამე პირისთვის მთლიანი ან დარჩენილი უფლება-მოვალეობების გადაცემის თაობაზე, აგრეთვე მესამე პირის წერილობითი თანხმობა ხელშეკრულებით განსაზღვრული მთლიანი ან დარჩენილი ვალდებულებების შესრულების თაობაზე.

11.3 შეთანხმების მიღწევის შემთხვევაში უფლება-მოვალეობების გადაცემა (მთლიანად ან ნაწილობრივ) ფორმდება წერილობითი სახით შემსყიდველს, მიმწოდებელსა და მესამე პირს შორის.

## 12. სუბკონტრაქტორები

12.1 მიმწოდებელმა წერილობით უნდა აცნობოს შემსყიდველს სუბ-კონტრაქტორ(ებ)ის აყვანის ან შეცვლის შესახებ (სუბ-კონტრაქტორის აყვანის აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობის საკითხს წყვეტენ შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინადადებაზე ხელშეკრულების დამატების სახით.

12.2 ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

12.3 ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

12.4 ცალკეული მასალის ან/და მოწყობილობა-დანადგარების შექმნის ან/და მონტაჟის მიზნით დადებული ხელშეკრულებები ამ ხელშეკრულების მიზნებიდან გამომდინარე არ ჩაითვლება სუბკონტრაქტად.

## 13. ხელშეკრულების პირობების შეუსრულებლობა

13.1 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და არაჯეროვანი შესრულების შემთხვევაში გამოიყენება საჯარიმო სანქციები.

13.2 ხელშეკრულებით ნაკისრი ვალდებულებების შეუსრულებლობის, არაჯეროვანი შესრულებისათვის მიმწოდებელს დაეკისრება პირგასამტეხლოს გადახდა, შეუსრულებელი ვალდებულების ღირებულების 1%-ის ოდენობით, მაგრამ არანაკლებ 100 ლარისა.

13.3 ბენეფიციართათვის მომსახურების გაწევის დღის გამოტოვების შემთხვევაში მიმწოდებელს დაეკისრება პირგასამტეხლო ხელშეკრულების ღირებულების 0,1%-ის ოდენობით, მაგრამ არანაკლებ 1000 ლარისა.

13.4 თუ მიმწოდებელი შემსყიდველის მიერ მომდევნო ანგარიშსწორებამდე არ უზრუნველყოფს დაკისრებული პირგასამტეხლოს დაფარვას, შემსყიდველი მიმწოდებელთან მომდევნო ანგარიშსწორებისას უზრუნველყოფს შესაბამისი თანხის სრულად გადახდას და ამასთან მიმწოდებლის კუთვნილი თანხიდან პირგასამტეხლოს ოდენობის თანხის დაკავებას და შესაბამის სახაზინო კოდეზე მიმართვას, რაც მიმწოდებელს ჩაეთვლება პირგასამტეხლოს გადახდად. თუ ასანაზღაურებელი თანხა



სრულად არ ფარავს პირგასამტეხლოს თანხას, უნდა განხორციელდეს დარჩენილი თანხის მოთხოვნა მიმწოდებლისგან მოქმედი კანონმდებლობით დადგენილი წესით.

13.5 თუ მიმწოდებელს პირგასამტეხლოს გადახდა ეკისრება მასთან საბოლოო ანგარიშსწორების შემდეგ, პირგასამტეხლოს თანხა გადახდილ უნდა იქნეს 30 კალენდარული დღის ვადაში.

13.6 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

#### 14. ხელშეკრულების შესრულების გარანტია

14.1 ხელშეკრულების შესრულების უზრუნველყოფის გარანტია არ გამოიყენება.

#### 15. ხელშეკრულების შეწყვეტა მისი პირობების შეუსრულებლობის გამო

15.1 შემსყიდველს უფლება აქვს ცალმხრივად შეწყვიტოს ხელშეკრულების მოქმედება, ასევე დააკისროს მიმწოდებელს ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება საქართველოში მოქმედი კანონმდებლობით გათვალისწინებული წესის შესაბამისად:

ა) თუ მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;

ბ) თუ მიმწოდებელი სისტემატიურად და/ან უხეშად არღვევს ხელშეკრულების პირობებს;

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრი ვალდებულებების შესრულებას;

ე) მიმწოდებლის გაკოტრების შემთხვევაში;

ვ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბია;

ზ) საქართველოს კანონმდებლობით გათვალისწინებულ სხვა შემთხვევებში.

15.2 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ვადებში არ შეუძლია გაწიოს მომსახურება ან მომსახურების ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

15.3 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

15.4 მიმწოდებლის მიერ ვადამდე ხელშეკრულების შეწყვეტის მოთხოვნა, განიხილება როგორც ვალდებულების შეუსრულებლობა და შემსყიდველი, საბანკო გარანტიის არსებობის შემთხვევაში, უფლებამოსილია გამოიყენოს წარმოდგენილი საბანკო გარანტია სრულად, ხოლო თუკი ხელშეკრულების შესრულების უზრუნველსაყოფად არ გამოიყენება საბანკო გარანტია, მიმწოდებელი ვალდებულია გადაიხადოს პირგასამტეხლო ხელშეკრულების დარჩენილი ღირებულების 5% ოდენობით. აღნიშნულის შემდეგ ხელშეკრულების მოქმედება წყდება.

15.5 მე-15 მუხლის 15.1 და 15.2 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიობრივად გაწეული მომსახურების ღირებულება.

#### 16. ფორს-მაჟორი

16.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის გამოყენებას ან დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

16.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.



16.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

### 17. სადავო საკითხების გადაწყვეტა

17.1 შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

17.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს სასამართლოს.

### 18. ურთიერთობა ხელშეკრულების დამდებ მხარეებს შორის

18.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი გზავნილის მხარისათვის ჩაბარება უნდა მოხდეს ფოსტის საშუალებით. ოპერატიული კავშირის დამყარების მიზნით დასაშვებია შეტყობინების მეორე მხარისთვის მიწოდება დეპეშის, ელექტრონული ფოსტის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

18.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

### 19. გადასახადები და დაბეგრა

19.1 უცხოელი მიმწოდებელი პასუხს აგებს მომსახურების გაწევასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

19.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულების პირობებით სხვა რამ არ არის გათვალისწინებული.

### 20. ხელშეკრულების მოქმედების ვადა

წინამდებარე ხელშეკრულება ძალაშია 2015 წლის 01 ივნისის ჩათვლით.

### 21. სხვა პირობები

21.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

21.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

21.3 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

21.4 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადაწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

21.4 გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

21.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

17. მხარეთა იურიდიული მისამართები და რეკვიზიტები

„შემსყიდველი“

ქ. თბილისის მუნიციპალიტეტის  
მთაწმინდის რაიონის გამგეობა ს/კოდი:  
204521954  
მის: მმ. ზუბალაშვილების ქ. №48.  
ხაზინის ერთიანი ანგარიში  
სახელმწიფო ხაზინა  
ბანკის კოდი TRESGE22

„მიმწოდებელი“

შპს „ალიონი“, ს/კ 406077169,  
მისამართი: ქ. თბილისი, ა. წერეთლის  
გამზ. კორპ. 69, ბ. №7,  
სს „საქართველოს ბანკი“  
ა/ა № GE85BG 0000 0006 5677 2700  
ბ/კოდი BAGAGE22

გელა არჩვაძე



თეონა ჯავახიშვილი



**მენიუთი განსაზღვრული ულუფების  
წონა/მოცულობა**

<p><b>ორშაბათი</b></p> <ol style="list-style-type: none"> <li>1. მაწვნის შეჭამანდი – 400გ;</li> <li>2. წიწიბურას ფანტია ფაფა – 150გ;</li> <li>3. კომპოტი ხილის – 200გ;</li> <li>4. პური ხორბლის – 250გ;</li> </ol>	<p><b>სამშაბათი</b></p> <ol style="list-style-type: none"> <li>1. ბორში ვეგეტარიანული – 400გ;</li> <li>2. მაკარონი ყველით 35/200გ;</li> <li>3. ასკილის ნაყენი – 200გ;</li> <li>4. პური ხორბლის – 250გ;</li> </ol>
<p><b>ოთხშაბათი</b></p> <ol style="list-style-type: none"> <li>1. ხაბახუბა-ბოსტნეულის სალათი (ვინეგრეტი) – 150გ;</li> <li>2. ლობიო ამოლესილი –400გ;</li> <li>3. ხილი – 80გ;</li> <li>4. პური ხორბლის – 250გ;</li> </ol>	<p><b>ხუთშაბათი</b></p> <ol style="list-style-type: none"> <li>1. ჩიხირთმა ქათმის ბულიონზე – 400გ;</li> <li>2. ქათამი (ბარკალი) შებრაწული ჩათუშული კომბოსტოს გარნირით 75/120გ;</li> <li>3. ლიმონის ვიტამინიზირებული სასმელი – 200გ;</li> <li>4. პური ხორბლის – 250გ;</li> </ol>
<p><b>პარასკევი</b></p> <ol style="list-style-type: none"> <li>1. ბარდის წვნიანი – 400გ;</li> <li>2. ბრინჯის ფლავი ქიშმიშით და ჩირით 180გ;</li> <li>3. კომპოტი ხილის – 200გ;</li> <li>4. პური ხორბლის – 250გ;</li> </ol>	<p><b>შაბათი</b></p> <ol style="list-style-type: none"> <li>1. მაკარონის ან ვერმიშელის წვნიანი – 400გ;</li> <li>2. სოსისი წიწიბურას გარნირით 100/150გ;</li> <li>3. კომპოტი ხილის – 200გ;</li> <li>4. პური ხორბლის – 250გ;</li> </ol>
<p><b>კვირა</b></p> <ol style="list-style-type: none"> <li>1. წვნიანი ხორცის გუფთებით – 400გ;</li> <li>2. შვრიის ფანტელის (ჰერკულესი) ფაფა რძით – 250/50გ;</li> <li>3. პური ხორბლის – 250გ;</li> </ol>	

**მენიუში გამოყენებული კერძების რეცეპტურა, ქიმიური შემადგენლობა  
და ენერგეტიკული ღირებულება**

პროდუქტის დასახელება	რაოდენობა გ		ქიმიური შემადგენლობა, გ			
	ბრუტო	ნეტო	ცილები, გ	ცხიმები, გ	ნახშირ-წყლები, გ	ენერგეტიკული ღირებულება, კკალ



<b>I დღე</b>	<b>1.მაწვნის შეჯამანი</b>						
	მაწონი	40	40	1.12	1.28	1.8	23
	ხახვი	12	10	0.24	-	0.92	4.6
	ბრინჯი	30	30	1.92	0.13	21.75	96
	კვერცი (ვალობით)	0.25	12	1.27	1.35	0.06	17.5
	ცხიმი ცხოველური	5	5	0.02	3.92	0.02	35.4
	ნიორი	1	0.8	-	-	-	-
	მარილი	1	1	-	-	-	-
	მწვანილი	7	5	-	-	-	-
	<b>გამოსავალი</b>	<b>400</b>		<b>4.57</b>	<b>6.68</b>	<b>24.55</b>	<b>176.5</b>
	<b>2.წიწიბურას ფანტია ფაფა</b>						
	წიწიბურა	50	50	4.24	0.92	25.76	128.3
	ზეთი	10	10	-	9.9	-	89.1
მარილი	1	1	-	-	-	-	
წყალი	130	130	-	-	-	-	
<b>გამოსავალი</b>	<b>150</b>		<b>4.24</b>	<b>10.82</b>	<b>25.76</b>	<b>217.4</b>	
<b>3. კომპოტი ხილის</b>							
ვაშლი	40	35	0.12	-	4.02	16.56	
შაქარი	15	15	-	-	14.9	59.6	
<b>გამოსავალი</b>	<b>200</b>		<b>0.12</b>	<b>-</b>	<b>18.92</b>	<b>76.16</b>	
<b>4. პური</b>		250	250	19.75	2.25	117.5	550
<b>სულ სადილზე</b>				<b>28.68</b>	<b>19.75</b>	<b>186.73</b>	<b>1020</b>

კერძების დასახელება	რაოდენობა გ		ქიმიური შემადგენლობა, გ			
	ბრუტო	ნეტო	ცილები, გ	ცხიმები, გ	ნახშირ-წყლები, გ	ენერგეტიკული ღირებულება, კკალ
<b>1.ბორში ვეგეტარიანული</b>						
კომბოსტო	100	80	1.2	-	4.16	21.5
ჭარხალი	85	68	0.75	-	7.14	21.4
ხახვი	12	10	-	-	-	-
სტაფილო	25	20	0.3	-	1.8	8.4
კარტოფილი	65	50	0.85	-	10	43.4
მწვანილი	7	5	0.15	-	0.38	2
ტომატ-პასტა	5	5	0.2	-	0.85	4.2
მარილი	1	1	-	-	-	-
მცენარეული ცხიმი	8	8	-	7.9	-	71.1
არაჟანი	10	10	0.21	2.8	0.31	27.2
<b>გამოსავალი</b>	<b>400</b>		<b>3.45</b>	<b>7.9</b>	<b>23.33</b>	<b>199</b>
<b>2. მაკარონი ყველით</b>						
მაკარონი	50	50	5.6	0.8	34	168.8
ცხიმი ცხოველური	10	10	0.04	7.82	0.04	78.0
ყველი	35	30	5.6	4.2	0.9	63.5
მარილი	2	2	-	-	-	-
<b>გამოსავალი</b>	<b>150</b>		<b>11.24</b>	<b>12.82</b>	<b>34.94</b>	<b>310.3</b>



<b>3. ასკილის ნახარში</b>							
ასკილი	20	20	-	-	-	-	-
წყალი	200	200	-	-	-	-	-
შაქარი	10	10	-	-	9.9	39.6	
<b>გამოსავალი</b>	<b>200</b>		<b>-</b>	<b>-</b>	<b>9.9</b>	<b>39.6</b>	
<b>4. პური</b>	250	250	19.75	2.25	117.5	550	
<b>სულ სადილზე</b>			<b>34.44</b>	<b>22.97</b>	<b>186</b>	<b>1098.6</b>	

კერძების დასახელება		რაოდენობა გ		ქიმიური შემადგენლობა, გ			
		ბრუტო	ნეტო	ცილები, გ	ცხიმები, გ	ნახშირ-წყლები, გ	ენერგეტიკული ღირებულება, კკალ
<b>III დღე</b>	<b>1. ხაბახუბა (ვინეგრეტი)</b>						
	კარტოფილი	70	50	0.85	-	10	43
	სტაფილო	25	20	0.26	-	1.52	7.2
	ჭარხალი	38	30	0.33	-	3.09	14
	მუავე კიტრი	35	30	0.21	-	0.39	2
	ლობიო	10	10	2.3	0.16	5.1	31.4
	ზეთი	7	7	-	6.9	-	62.3
	მწვანელი	7	5	0.15	-	0.38	2.4
	მარილი	1	1	-	-	-	-
	<b>გამოსავალი</b>	<b>150</b>		<b>4.04</b>	<b>6.25</b>	<b>20.48</b>	<b>161.3</b>
	<b>2. ლობიო ამოლესილი</b>						
	ლობიო	80	80	18.4	1.28	40.8	248.3
	ხახვი	10	7.8	0.22	-	7.6	31.3
	მწვანელი	5	4	0.12	-	0.2	0.5
	ნიორი	2	1.5	0.07	-	0.08	0.6
	სუნელები	0.5	0.5	-	-	-	-
	მარილი	1.5	1.5	-	-	-	-
	ზეთი	5	5	-	4.9	-	44.1
<b>გამოსავალი</b>	<b>400</b>		<b>18.81</b>	<b>6.2</b>	<b>48.68</b>	<b>324.8</b>	
<b>3. ხილი</b>							
(ვაშლი ან ციტრუსი)	80	60	0.3	-	7.32	60.96	
<b>გამოსავალი</b>							
<b>4. პური</b>	250	250	19.75	2.25	117.5	550	
<b>სულ სადილზე</b>			<b>42.9</b>	<b>14.7</b>	<b>193.9</b>	<b>1097</b>	

კერძების დასახელება		რაოდენობა გ		ქიმიური შემადგენლობა, გ			
		ბრუტო	ნეტო	ცილები, გ	ცხიმები, გ	ნახშირ-წყლები, გ	ენერგეტიკული ღირებულება, კკალ
<b>IV დღე</b>	<b>1. ჩიხირთმა ქათმის ბულიონზე</b>						
	ქათმის ბულიონი	350	350	-	-	-	-
	ფქვილი ხორბლის	20	20	1.89	0.16	14.08	65
	კვერცხი (ვალობით)	0.5	24	2.54	2.7	0.12	35
	ხახვი	7	5				



მარილი	1	1				
<b>გამოსავალი</b>	<b>400</b>		<b>4.43</b>	<b>2.86</b>	<b>14.2</b>	<b>100</b>
<b>2. ქათამი (ბარკალი) შებრაწული</b>						
ქათამი	160	100	11.5	8.2	-	120
ცხიმი ცხოველური	5	5	0.02	3.9	0.025	35.3
მარილი	1	1	-	-	-	-
<b>გამოსავალი</b>	<b>75</b>		<b>11.52</b>	<b>12.1</b>	<b>0.025</b>	<b>155.3</b>
<b>გარნირი: ჩათუშული კომბოსტო</b>						
კომბოსტო	120	100	1.5	-	5.2	27
ხახვი	24	20	0.5	-	1.84	9.4
ტომატ-პასტა	5	5	0.2	-	1	4.8
ზეთი	5	5	-	4.9	-	44.1
მარილი	1	1	-	-	-	-
<b>გამოსავალი</b>	<b>120</b>		<b>2.2</b>	<b>4.9</b>	<b>8.04</b>	<b>85</b>
<b>3. ლიმონის (ან ნებისმიერი ციტრუსის) სასმელი</b>						
ლიმონი	40	30	0.1	-	2.94	11.8
შაქარი	15	15	-	-	14.9	59.6
<b>გამოსავალი</b>	<b>180</b>		<b>0.1</b>	<b>-</b>	<b>17.84</b>	<b>71.4</b>
<b>4. პური</b>	<b>250</b>	<b>250</b>	<b>19.75</b>	<b>2.25</b>	<b>117.5</b>	<b>550</b>
<b>სულ სადილზე</b>			<b>42.1</b>	<b>27.41</b>	<b>157.84</b>	<b>1032</b>

კერძების დასახელება		რაოდენობა გ		ქიმიური შემადგენლობა, გ			
		ბრუტო	ნეტო	ცილები, გ	ცხიმები, გ	ნახშირ-წყლები, გ	ენერგეტიკული ღირებულება, კკალ
<b>V დღე</b>	<b>1. ბარდის წვნიანი</b>						
	ბარდა	60	60	11.04	0.76	30.6	186.2
	ხახვი	10	7.8	0.22	-	7.6	31.8
	სტაფილო	12	10	0.13	-	0.76	3.6
	მწვანელი	7	5	0.15	-	0.25	1.6
	ნიორი	1	0.8	-	-	-	-
	მცენარეული ცხიმი	5	5	-	4.9	-	44.1
	მარილი	1.5	1.5	-	-	-	-
	<b>გამოსავალი</b>	<b>400</b>		<b>11.54</b>	<b>5.66</b>	<b>39.21</b>	<b>267.3</b>
	<b>2. ბრინჯის ფლავი ქიშმიშით და ჩირით</b>						
	ბრინჯი	50	50	3.2	0.45	36.25	162
	ქიშმიში	10	10	0.15	-	6.8	27.8
	ჩირი	10	10	0.18	-	7.6	14.2
	შაქარი*	10	10	-	-	9.9	89.1
	კარაქი	10	10	0.04	7.82	0.04	70.7



მარილი წყალი	1 120	1 120	- -	- -	- -	- -
<b>გამოსავალი</b>	<b>180</b>		<b>3.57</b>	<b>8.27</b>	<b>60.59</b>	<b>363.8</b>
<b>3. კომპოტი ხილის</b>						
ვაშლი	40	35	0.12	-	4.02	16.56
შაქარი	15	15	-	-	14.9	59.6
<b>გამოსავალი</b>	<b>200</b>		<b>0.12</b>	<b>-</b>	<b>18.92</b>	<b>76.16</b>
<b>4. პური</b>						
	250	250	19.75	2.25	117.5	550
<b>სულ სადილზე</b>			<b>34.98</b>	<b>16.2</b>	<b>236.2</b>	<b>1257</b>

\* - დიაბეტიანებისთვის შაქრის ჩანაცვლება ხდება სხვადასხვა დამატკბობლებით. დასაშვებია ქსილიტი, სორბიტი, ასპარტამი და ა.შ.

კერძების დასახელება	რაოდენობა გ		ქიმიური შემადგენლობა, გ			
	ბრუტო	ნეტო	ცილები, გ	ცხიმები, გ	ნახშირ-წყლები, გ	ენერგეტიკული ღირებულება, კკალ
<b>1. მაკარონის ან ვერმიშელის წვნიანი</b>						
მაკარონი ან ვერმიშელი	25	25	2.8	0.4	17.0	84.4
კარტოფილი	50	32	0.54	-	6.4	27.8
სტაფილო	15	12	0.15	-	0.8	3.8
ხახვი	10	8.5	0.22	-	0.85	4.3
ტომატ-პასტა	3	3	-	-	-	-
მწვანილი	7	5	0.15	-	0.38	2.12
ნიორი	1	0.8	-	-	-	-
მარილი	1	1	-	-	-	-
ცხიმი	5	5	-	4.9	-	44.1
<b>გამოსავალი</b>	<b>400</b>		<b>3.86</b>	<b>5.3</b>	<b>25.8</b>	<b>166.5</b>
<b>2. სოსისი მოხარშული</b>						
სოსისი	100	100	13	17.8	4.6	232
<b>გამოსავალი</b>	<b>100</b>		<b>13</b>	<b>17.8</b>	<b>4.6</b>	<b>232</b>
<b>2. წიწიბურას ფანტია ფაფა</b>						
წიწიბურა	50	50	4.24	0.92	25.76	128.3
ზეთი	10	10	-	9.9	-	89.1
მარილი	1	1	-	-	-	-
წყალი	130	130	-	-	-	-
<b>გამოსავალი</b>	<b>150</b>		<b>4.24</b>	<b>10.82</b>	<b>25.76</b>	<b>217.4</b>
<b>3. კომპოტი ხილის</b>						
ვაშლი	40	35	0.12	-	4.02	16.56
შაქარი	15	15	-	-	14.9	59.6
<b>გამოსავალი</b>	<b>200</b>		<b>0.12</b>	<b>-</b>	<b>18.92</b>	<b>76.16</b>
<b>4. პური</b>						
	250	250	19.75	2.25	117.5	550
<b>სულ სადილზე</b>			<b>41.11</b>	<b>33.12</b>	<b>187.35</b>	<b>1196.1</b>

VI დღე

კერძების დასახელება	რაოდენობა გ		ქიმიური შემადგენლობა, გ			
	ბრუტო	ნეტო	ცილები, გ	ცხიმები, გ	ნახშირ-წყლები, გ	ენერგეტიკული ღირებულება, კკალ
<b>1. წვნიანი ხორცის გუფტებით</b>						
ხორცი საქონლის	70	50	7.8	4.95	-	76.2
ხახვი	12	10	0.25	-	0.92	4.7
მწვანილი	7	5	-	-	-	-
ბრინჯი	25	25	1.6	0.21	18.12	80.8
ტომატ-პასტა	3	3	-	-	-	-
ზეთი	5	5	-	4.9	-	44.1
ნიორი	2	1.6	-	-	-	-
სუნელები	0.5	0.5	-	-	-	-
შავი წიწაკა	0.3	0.3	-	-	-	-
მარილი	1	1	-	-	-	-
<b>გამოსავალი</b>	<b>400</b>		<b>9.65</b>	<b>10.06</b>	<b>19.04</b>	<b>206</b>
<b>2. შვრიის ფანტელის „ჰერკულესის“ ფაფა</b>						
„ჰერკულესი“	50	50	5.5	3.05	31	174
რძის ფხვნილი	10	50	1.4	1.61	2.3	29
ცხიმი	5	5	0.02	3.92	0.02	25.46
მარილი	1	1	-	-	-	-
<b>გამოსავალი</b>	<b>250</b>		<b>6.92</b>	<b>8.58</b>	<b>32.32</b>	<b>228</b>
<b>3. პური</b>	250	250	19.75	2.25	117.5	550
<b>სულ სადილზე</b>			<b>37.12</b>	<b>2.89</b>	<b>185.5</b>	<b>1078.5</b>

VII დღე

„შემსყიდველი“

გელა არჩვაძე



„მიმწოდებელი“

თეთნა ჯავახიშვილი





№6.2.14.15/10/039 ხელშეკრულების  
დანართი №2

ფასის გაანგარიშება  
400 ბენეფიციარზე 30 დღეში

№	დასახელება	ზომის ერთ.	თანხა
1	ერთი ბენეფიციარის კვების ღირებულება დღეში ყველა გადასახადისა და მომსახურების გათვალისწინებით	ლარი	1,05
2	გასაწევი მომსახურების დღეთა რაოდენობა	დღე	30
3	ბენეფიციართა რაოდენობა	კაცი	400
4	სახელშეკრულებო ღირებულება (სტრ.1Xსტრ.2Xსტრ.3)	ლარი	12600,0

„შემსყიდველი“

  
გელა არჩვაძე



„მიმწოდებელი“

  
თეონა ჯავახიშვილი

